

3. DOKUMENTUA

BILBAO BIZKAIA UR PARTZUERGOKO HORNIKUNTZA-LABORATEGIRAKO MATERIAL SUNTSIKORRA HORNITZEA KONTRATATZEKO PRESKIPZIO TEKNIKO PARTIKULARREN AGIRIA

1. KONDIZIO-AGIRIAREN XEDEA

Kondizio-agiriaren xedea hau da: Hornikuntza Laborategirako (Beteluri) material suntsikorraren hornidura kontratatzea, bai eta hornidura horretarako kontratuak bete beharreko kondizio teknikoak ezartzea eta kontratistak hori behar bezala gauzatuko dela bermatzeko dituen konpromisoen irismena zehaztea ere.

2. HORNIGAIA NON EMAN BEHAR ZAIGUN

Beirazko, plastikozko eta askotariko materialezko hornigaiak, bai eta I. eranskinean zehaztutako erreferentziako materiala ere, Beteluriko EUTeko Hornikuntza Laborategian (Arrigorriaga) eman beharko dira.

Garraiatzeko sistemak ziurtatu beharko du produktuetan eta haien ontzietan ez dela narriadurarik gertatzen. Hoztuta egon beharreko produktuak badira, hozkailu eramangarrietan —hotz-metagailuak edo antzekoak barne— garraiatuko dira une oro, hotz-kateari eustea bermatzeko. Era berean, horren berri emango dute laborategian entregatzean, hozkailu batean berehala sar ditzaten. **Bidalketa-kondizio horien kostuak hornitzailearen kontura joango dira.**

Enpresa adjudikaziodunak etengabeko hornikuntza bermatu beharko du kontratua egiteko denbora osoan, baita oporraldian ere.

Orokorrean, artikuluen eta kontsumo estimatuen zerrenda barne hartzen duen I. eranskineko edozein materialek gehienez zazpi (7) egun naturaleko epea izan beharko du entregatzeko, eskaera jakinarazten denetik zenbatzen hasita. Entrega-epe hori ezin bada bete, kontratistak atzerapenaren arrazoen berri eman beharko dio Partzuergoari, eta epe berria jakinarazi. Behin Partzuergoak onartu ondoren, kontratu-izaera izango du eskaera horrek, eta zigorrak aplikatu ahalko zaizkio adostutako epea ez badu betetzen.

3. HORNIGAIEI ESKATZEN ZAIZKIEN EZAUGARRI TEKNIKOAK

Produktuen deskribapena eta ezaugarri teknikoak orokorrean daude zehaztuta I. eranskinean, bertan ageri baitira kalitateak eta urteko kontsumo estimatuak. Taula horiek ere erabili beharko dira eskaintzaileek artikulua guztien prezioak bete ditzaten.

Hona hemen zehaztuta material suntsikorraren zenbait produktu sorta, haien espezifikotasuna oinarri hartuta:

1. SORTA: Beirazko eta plastikozko materiala eta askotariko materialak
2. SORTA: Erreferentziako materiala

Sorta bakoitza lizitatzailer bati adjudikatu ahalko zaio, independentzia osoz.

Zerrendan **MR** marka duten artikuluek nahitaez eskaini beharko dira azaldutako marka eta erreferentziarekin; izan ere, metodo analitikoaren balidazioak erreferentziako material horietarako egin dira, eta haiek erabili behar dira, beraz, ENACek laborategia egiaztatze betekizunak betetzeko, laborategiaren gaitasun teknikoa bermatze aldera.

Gainerako materialak baliokidetasuna frogatzeko moduko produktuekin eskaini ahalko dituzte (zerrendetako zehaztutako kalitateekin), betiere kalitate bereko edo handiagoko produktuak badira, eta

arreta berezia jarrita analisi berezietarako behar diren produktuetan. Kasu horietan, proposatutako marka eta erreferentzia berriak prezio unitarioen taulan jasoko dira, eta, era berean, memoria teknikoan informazioa emango dute, haren kalitatea eskatutako produktuarena bezalakoa edo handiagoa dela egiaztatzeko.

Eskakizun hori ez betetzea eskaintza teknikotik baztertzeko arrazoia izan ahalko da.

4.- HORNIGAI EI ESKATZEN ZAIZKIEN KONDIZIOAK

Eskaintzak item guztiak jaso beharko ditu (produktuak) —alegia, l. eranskineko zerrendan ezarritakoak—, balorazio ekonomikoak irizpide homogeneoak erabil daitezzen, eta baztertu egingo dira azaldutako produktuetakoren bat ez duten sortak.

Gutxieneko betekizun horiek dokumentatu eta aurkeztu beharko dira dokumentazio teknikoaren karta-azalean, Partzuergoak egiaztatu eta balidatzeko, eta ez da inola ere datu ekonomikorik agertuko.

5.- KONTRATISTAREN ORDEZKARIA

Kontratista adjudikaziodunak ondorio guztietarako ordezkatzeko duen ordezkaria izendatu eta proposatu behar du memoria teknikoan (5. artikulua).

6.- HORNIGAI AK JASOTZEA


Garraiatzeko eragiketa guztiak hornitzailearen kontura joango dira, barne hartuta hotz-kateari eustea bermatzeko kostuak hala behar duten materialei dagokienez.

Albaranak aurkeztuko dituzte salgaiak entregatzeko unean edo, bestela, enbalajearen kanpoko aldean egongo dira, ageriko tokian.

Materiala berrikusi egingo da jasotzeko unean bertan, eta Partzuergoak eskubidea izango du materiala itzultzeko eskatutako zehaztapenak betetzen ez baditu, edo akastuna bada. Enpresa adjudikaziodunak behar diren bitartekoak jarriko ditu, inolako kargu gehigarriarik gabe, akatsa zuzentzeko.


Beteluri, 2025eko apirilaren 2a

Kontratuaren arduraduna,



Izpta.: Estibaliz Alda Tobar

Laborategiko zuzendariordea,



Izpta.: Elena Aspichueta Lopez